

## **Symma Juris Canonici**

Comprehensa Tribus Partibus In Qva Distincte Et Succincte Explicantur,  
quæ ad personas, negotia, & iudicia Ecclesiastica ex Canonum præscripto,  
pertinent

Agens De Rebvs Ecclesiæ Sacris, & profanis, earumque usu, acquisitione,  
conservatione, & alienatione

**Strein, Johann**

**Coloniæ Agrippinæ, 1658**

§. 2. Satisfit Dubiis

---

[urn:nbn:de:hbz:466:1-61834](#)

fructibus, quos consumpsit. *I* fundo ff. de  
lege commissio & Glo. ibid. Lef. c. 20. D. 15.  
Full. Tr. 35. c. 7. n. 165.

No. Licet venditor ex pacto legis com-  
missoria revocare ad se possit rem em-  
ptori traditam, non tamen ad id cogitur,  
sed indulgere maius spatum pro solutio-  
ne permittitur: nisi forte partem pretii  
iam tum accepit. Tanc enim renuncia-  
se iuri suo censeatur. *I*. Cum venditor. *I*. Nā  
legem ff. de le. commissoria. Fagundez l. 5.  
de Contract. c. 45. Tusclus V. Pactum  
Concl. 16.

XIV. Actionem ex empto vocamus,  
que soluto pretio emptori convenit ad-  
versus venditorem, ut tradat rem venditā  
cum suis fructibus post mortam, & alius ad  
rem pertinentibus. *I*. Italianus. & Afferri ff  
de act. empti. & venditi. In hac actione  
tres aliae continentur, 1. vocatur evictio:  
Nam si vēdita res aliena fuerit, ad omnia  
damna inde nata emptori tenerunt. *Duenas*  
in Reg. 242. 2. redhibitoria; quā intra 6.  
mensis agit contra venditorem, ut rescin-  
dat contractum, eo quod vendiderit rem  
aliquo vitio affectam. ff. de adilitio editio.  
3. vocatur prescriptis verbis, quā agit contra  
Venditorem, quia non stetit pactis in  
venditione appositis. Oldendorp. Classe 4  
*Att.* 1. Venditori è contra adversus emp-  
torem competit Actio, ut præstet, quia ip-  
siure præstanta sunt, videlicet premium  
rei venditæ, & usuras, seu interesse proprie-  
ter mortam. *I*. curat. *C*. de actionibus  
empti.

NOTA. Venditorem bonæ fidei non  
teneri de evictione 1. quando emptor nō  
denunciat illi mortam item esse super re-  
vendita. 2. quando pactum est, ut evictio  
nisi nulla ratio habeatur. 3. quando accu-

sante venditore emptor non appellavit à  
sententia. 4. quando sententia aperte in-  
iusta fuit. 5. quando per arbitrum defini-  
tur lis. 6. quando emptor tempore con-  
tractus sciebat rem alienam esse. 7. quando  
rem præscribere potuit emptor, &  
culpa sua non fecit. 8. quando emptor sua  
culpa amisit rei possessionem. *V*. *Duenas*  
in Reg. 242. *Card.* *Lugo* *Disp.* 26. S. 10. et  
fin. *Palao* *Tr.* 32. *Disp.* 5. *Pun.* 28. §. 4. *Vige-*  
*lum in Methodo Civili* l. 18. *Par.* 5. c. 6.  
*Francisc. Marcus Decis.* 582. & sequ. *Bar-*  
*thol. Socinus* in *Reg.* 532.

## S. II.

Sati sit Dubiis de emptione, & ver-  
ditione.

**D**VB. 1. An vendere liceat rem alienam?

R. 1 secundum ea, quæ § prec. n. 3. diximus,  
nō licere incio invito rationabiliter do-  
mino, cū ipsius præjudicio: validā tamen  
vēditionē fore, si emptori ignorantia fiat,  
in præjudiciū venditoris, qui actione ex-  
empto, ad compensationem omnium  
damnum tenetur. *I*. rem alienam. ff. de  
contrah. empti. *I*. *Nemo*. *C*. *der. b.* alienus non  
alienand. De evictione item, si furtivam  
esse comprobatum fuerit. *I*. *i.* *I*. *Venditor*  
& *to it* ff. de evict. *E*. Non dubitatur. & *to.*  
*tt.* *C*. *eod.* Premium nihilominus venditori  
acquititur, quamvis rei venditæ dominiū  
non transferatur in emptorem. *I*. *traditio.*  
ff. de acquir. rer. dom. *I*. ex empto. ff. de act.  
empti: etiam quando malæ fidei, vel fur-  
tit. qui vendit. *I*. *qui vas.* §. ult. ff. de furtis.  
Nummus qui redactus est ex te furtiva,  
non est furtivus. Vnde sequitur, si quid  
emerit

emerit rei furtivæ pretio dominium rei comparatae ipsi , pretiu velò vendenti advenire. Neque hic metuenda inæqualitas est. Quamvis enim dominium pretii venditor acquirat , emptor verò rei emptæ non acquitat , venditor tamen obligatus manet emptori de evictione , ut supra diximus , & constat ex l. Exempto. Card. Tuschus Concl. 53. Canon. l. 7. c. 6. n. 11.

R. 2. Quando emptor rem alienam esse novit , actionem adversus venditorem non habet , neque is de evictione obligatur , nisi contrarium expressè deducatur fuerit in pactum l. si fundum. C. de evict. Quod si res empta mobilis est , emens quasi fut punietur. Conr. de Contr. p. 70. Mozius Tr. de empt. et. de reb. qua. emi & vendi possunt. Tuschus l. cit. num. 7. Mol. Disp. 327. & 380. Rebell. par. 2. l. 9. Q. 18. Sæt. 1. Fagund. l. 5. c. 16. Salas de empt. & vend. Dub. 48. Laym. l. 3 Tract. 4. c. 17 §. 3. Tholos. l. 25. c. 10.

R. 3. Cum res aliena restitutio obnoxia est , si post diligentem inquisitionem dominus non compareat , non tibi , sed pauperibus utendam fruendam esse plerique volunt , ducti cù ratione quòd ea videatur domini voluntas esse. DD. apud Salas l. cit. & Less. c. 14. Dub. 7. Non appetunt tamen contra quam virtutem peccet , sibi retinens ea bona , quorum dominus ignoratur. Perinde enim , atque adespota se habent , primo occupanti debita. Et quid facies , si dominus illorum infidelis , vel ita immisericors sit , ut nullo modo cupiat eleemosynam facere? Nō igitur demanda penitus videtur Sotí opinio l. 5. p. 3. ar. 3. sibi usurpare posse bona , quorum dominus post sufficientem inquisitionem ignoratur , cum plures illam sequantur , &

randum Laym. quoque valde probabilem vocet. l. 3. Tr. 1. c. 5. num. 24. Est autem vix prudentis iudicio deficiendum , quanto tempore expectanda sit veri domini reuelatio. V. Pallavicinum l. 4 de Iust. c. 2. n. 22.

D. 2. An quis ad vendendum res suis cogi possit?

R. 1. Regulariter , & extra casum magne necessitatis neque ad emendum rem alienam , nec ad vendendum suam cogi quenquam posse. l. Invitum C. de contrah. vendit. l. nec emere C. de iur. delib. & al. inrib. qua citant Panorm. inc. 1. de empt. & vend. Covar. l. 3. Var. c. 14. Alu. Velasq. Consul. 22. n. 1. & Ant. Gom. l. 2. c. 2. n. 51. Vnde quisq; enim rei suæ dominus , moderator , & gubernator est , cum potestate agendi pro sua voluntate. l. Nemo. C. de lude. & calicolis c. 2. iun. Glo. 1. de iureiur. & c. pan. de Sepult. Boerius Decis. 322. Quamobrem graviter à Deo reprehensus , & punitus est Achab. l. 3. Reg. c. 21. quod vineam Naiboth nolenti vendere eti puerit. Silv. n. 6. Bonac. tom. 2. p. 498. Franciscus Marcus Par. 1. Decision aurearum Decisione 53. Lugo Disp. 26 Sæt. 2.

R. 2. Quia potestas publica minorem , & privatam potestatem subiectam habet , ad vendendum cogere potest subditos in his 7. casibus. 1. Cum id pia causa , seu religio postulat , ut si extruenda ecclesia , monasterium , aut Xenodochium sit. Colligitur ex l. 2. §. Locum. & l. si quis se pulterum ff. de Religiosis , & sumptib. funerum. Bart. Felinus. Angelus Silv. V. Emp. tio. q. 5. Zerola Pa. 1. n. 3. 2. Cum in reip. & boni communis augmentum cedit. Si ampliandum pomœcium , muri , pontes , fontes reparandi , ædificanda curia , vel gymnasia.

nesta, in eum finem cogi cives possunt domos qua obstant, vendere. *Vasquinus* l. c. 5. *Tholos* l. 25. c. 10. *Angel. Aretin.* *Confil.* 71. *Mynsing. Cent.* 3. *obs.* 97. *Card. Tusibus Conclus.* 59. num 9. 3. Qui rem ad victum necessariam vñnum exposuit, eandem vendere cogitut etiam taxato pretio. *Panor. Bart. Baldus, Dynus, Iason apud Covarr.* l. cit. Item tempore magnæ caritatis, ad vendendum, qui annonam habent, cogi possunt. Pari iure *Advocatus, Medicus, cauponarius, & quicunque officium publicum suscepere, vel conduciunt, ad id præstandum coguntur.* De meretice negat *Zerola* l. cit. 4. Donum ruinofam habens si reficere nequeat, cogitur alteri vendere, qui id faciat. & damno vicinorum consulari. *I. Cornelius* §. 1. ff. ad s. C. *Syllanianum* 5. Qui servum communem habet, invitis locis manumittere potest, dando illis partem pretii debitam. *I. debitam C de commu. servomana. missa.* 6. Qui haberet rem communem cum alio, si voluerit vendere, vendere tenetur illi, cum quo communem habet. *I. Ad officium C. communis d. vidando.* 7 Qui per levitatem abutitur iuris, & one sua in subditos, ea in virtus privari potest, saltem ad tempus. *Covarr l. cit. AZ* 3 l. 8. c 27. *Mol. D. 34. Salas Dub. 53. Schneidev.* l. 3. 1. ff. 11. 14. *Card. Lugo D. 26. Stet. I. Zerola Par. I. V. Empito. Socinus Reg. 433. Brechorst Centur. 1. affert 63.*

*DVB.* 3. An opera Virtutum licet vendantur, & emantur?

R. 1. Non licet vendere opera, ad quæ tenetur ex iustitia, vel obligatione officij nostri. *Iudeo V. g pro sententia, testis pro testimonio ferendo nihil pacisci, & accipere potest, quia ad id ex iustitia, & officio*

suo obligantur. Nec obstat, quod pro alio testificari actus charitatis sit, eo ipso enim, quod ad testificandum quis accedit, veritatē dicere tenetur ex iustitia: quemadmodum mercator exponens rem vendibilem iustum premium exigere debet. Nec ab onere restituendi liber est, qui in prædictis premium admittunt. At cui restituet, inquis, iniuste accepit? Communior sententia pauperibus addicit. Vile consilium, & quo utens Sacerdos confidentem obligare queat. *Covarr. & Soto* potius restituendum esse illi, qui dedit, existimat. Cum enim propter pacti nullitatem dominum non transtulerit, sed retinuerit, apud ipsum mansit, & recipere debet, quod absque effectu dederat.

NOTA. Intelligenda hæc de ipso actu iudicandi vel testificandi præcise. Nam si pro labore diligētia, periculo, & similibus pretiū datū sit, quamvis cum peccato acceptum, & applicatum fuerit, opere perfecto, retineri potest, quemadmodum in aliis materiis homicidii, luxurie &c. dicitur solet. *Silv. V. Simonian. n. 9. Sajrus l. 10. c. 5.* *Dub. 8. Fann. 470. ar. 4. Covarr ad Rego. Peccatum parcer* § 3. *Soto l. 4. q. 7 ar. 2. Medina q. 26. Leff. 14. D. 8. & 9. Nav. c. 17. n. 34. Mol. D. 89. Arrago. 22 q. 75 ar. 4. *Erga*nd l. 5 c. 18. cum al. a se citatus. *Armillia V. Emptio. Decianus l. 6. c. 35. n. 15. Franc. Marcius Deiisi. 686. 1-8. & 488. Comit. l. 3. q. 6.**

R. 2. Idem de operibus ex charitate præstandis dicendum est, vendi scilicet non posse, nisi forte admixtus sit labor magnus, aut sumptus. Nam eiusmodi opera communis hominum iudicio non estimatur pretio. Deinde, cum maximè inter sit proximi, ea opera fieri, videbitur coædatum, & non gratis, quod accepisti.

Quocirca

S. II. SATISFIT DVBIIS.

440

Quocirca nihil accipere potes pro eo, ut deponas odium contra me concepium, vel indices furem, qui mea bona surripuit, modò sine labore & lumpru quies facere. Quod si pro actu, vel omissione actus faciendi in tuum solius commodum, aut in honorem Dei aliquid datum fuerit, retineri poterit, quia censetur liberaliter datum ex causa & sub conditione tantum, absque alia obligatione. Parti iure si detur ad inclinadum voluntatem eius, qui alias ex iustitia vel charitate tenerit: excepto, si Ius obsistat, restitutionem imperet, vel inhabilem reddat ad dominium rei acceptae capessendum. Iudicibus certè ea crux videtur esse posita. *I plebiscito 18. ff. de off præsid. l. solent. §. fin. de off proconsul. eod. Plura V. apud Less & Fagund. l. cit. qui superius generatim dicta, etiam in actibus ex voto, & obedientia debitis locum habere ostendit. num. 19. & 20.*

D. 4. An minoris emere liceat propter anticipatam solutionem?

No. Pro Generali regula in tot dubiis questionibus titulus & causa aucti, vel minuti pretii attendi debet: non negligendo consuetudinem loci à viris bonæ conscientiæ usurpatam. Hoc posito.

R. Propter anticipatam solutionem minui potest premium etiam infra minimum alias constitutum quando anticipatio venditori multum utilis, emptori veò qualicunque modo molesta, & gravis est quod variis modis contingere potest.

1. Propter periculum non accipiendi merces, V.g. lanam, quæ ferè sic emi solet vel minus sinceras, vel propter lites inde nasci solitas.

2. Propter lucrum cessans, aut dampnum emergens ex anticipata solutione.

Nam industrij mercatores per cambia & alios modos lucrari possent si eam pecuniam in manu haberent.

3. Quia sic emendo, & soluendo crescit numerus vendentium, ex quo communiter pretium minui solet.

4. Quod similiter decrescit ex inopis, & necessitate venditoris, qui ultro offerre, & rogare solent emptores.

5. Si lanæ omnes, ex. gr. numerata pecunia emerentur eo tempore, quo ostenduntur propter copiam & multitudinem viliore pretio emerentur: & rogantur emptores ab iis, qui præsenti pecunia indigent pro mercede pastoribus danda, & sumptus ad conservandum necessarios fugiunt. Hinc colligitur generatim loquendo causam minuti pretii ex aliquo ostendere vel malo. quod iuste timetur ab emptoribus pendere. Ad hoc ergo, qui consultum suæ conscientiæ vult, attendere deberi iuxta Reg. initio datam. *Corduba 9.85. Soto l. 6. q. 4. art. 1. Mol. D. 360. Turrian. D. 61. dub. 10. Less. c. 14. Dub. 7. Valente. D. 5. p. 20. Angles. Toletus. Em. Sa. Saloni. Fillintius Tr. 35. c. 5. Card. Lugo D. 26. Secl 7. §. 3. Salas. Fugund. l. 5. c. 31. & 33. Mag. Mantius. Penna. Victoria. Escobar Tr 3. Exam. 6. c. 3 n. 25. Eadem quæstio vi- cissim moveatur, de venditione, in qua solutio differtur, an liceat tunc maiori pre- tio vendere, de quo Card. Lugo l. ci. §. 2. certum videri, ait. lecluso omni alio titulo non licere augere ultra premium rigoru- rum: hoc enim esset lucrum captare ex mutuo implicito. Licebit ergo quando titulus, & probabilis causa adelt, quemadmodum paulo ante de solutione anticipata diximus. Communiter enim, ut cum Less. Card. citatus notat, ex dilata solutio-*

ne me-

ne mercatores damnum patiuntur ex defectu pecunia, quam in lucrum expende, re non possunt. V. Palao Tract. 32. D. 5. Puncto 12. nro. 7. & Barb. in c. Consuluit. de Viris. Filius. l. cit. nro. 97. Dian. Par. 1. Ref. 20.

D. 5. Ad quem pertineant pericula rei venditæ?

Ad Venditorem nondum re tradita pertinere videntur ex l. Pignus C. de pignoratia adl. ubi indicatur casum, & periculum rei spectare ad eum, qui est dominus. Cum ergo antefactam traditionem Venditor maneat dominus, si quid mali acciderit rei venditæ, ipsi imputabitur. Nihilominus.

R. Quando res determinata vendita est, licet nondum tradita sit, illicet periculum ad emptorem pertinere. Cūm autem Inst. de empt. & vend. l. id quod ff de peric. & comm. rei vend. & l. 1. C. eod. 12. Ratio est, quia ad eundem commoda rei pertinent, ut in citatis legibus dicitur. Neque obstat l. cit. pignus. Ibi enim aliud non assertur, quam pignus manere in dominio debitoris, quia ex illo nullum creditori commodum accedit. Secus est in venditione, ut modò diximus. V. Comitol l. 3. Q. 18. n. 9. Brenchorft Centur. 2. Aassert. 55. Cæterum Regula assignata in multis fallit. 1. quando res non in specie, seu individuo venditur, V. g. equus, aut bos, ante traditionem venditoris periculum est. Glo. in l. quod si neque 14. ff de peric. & comm. rei vend. Ratio, quia genus perite non potest. l. Incendium C si certum petatur. 2. fallit in emptione celebrata in scriptis: ubi ante scripturam confirmatam periculum rei spectat ad venditorem. l. Cūm inter C. eod. ad hoc enim ut ad emptorem pertineat

periculum rei, requiritur emptionem esse perfectam. Sed ante Scripturam hic non est perfecta venditio 3. fallit in venditione conditionali: quia pendente conditio- ne, si tota res percar, venditori perit: de- terioratio autem ad emptorem. l. necessas- ria ff. eod. 4. in venditione alternativa. V. g. Vendo tibi mulum, vel equum: quia coelestetur venditio speciei incerta propter naturam alternativæ, quæ rem incertam effici. l. Vbiſ. que illud, aut illud ff de verb. obl. 5. quando venditor in le pericu- lum casus suscepit. V. Sanè. Inst. de empt. Nam ex natura huius contractus quavis non suscepit rei custodiam venditor, nihilominus tenetur emptori de custodiâ lata scilicet levi culpâ. l. custod ff. de per- com. rei vend. & l. quod sapè. 9. sires. ff. de contrab. empt. 6. Si culpa etiam levi ven- ditoris res pereat, ipsi perit, emptor in- denitis manet. Silv. V. Emptio. num. 4. Leff. c. 21. Dub. 12. 7. denique, quando venditor fuit in mora tradendi, ita ut per eum steterit, quo minus traditio fieret. Nec attinet, si res eodem modo apud emp- torem peritura fuerit, quia odio motus venditoris ita constitutum est. Bart. & DD. in l. Quod te. ff si certum petatur. Silv. nu. 3. Mol. Disp. 366. Salas Dub. 50. Graff par. 1. l. 2. c. 116. Az. 3. l. 8. c. 26. Lopez de Contr. l. 1. c. 7. Em. Sa. V. Venditio. n. 26. & 27. Leff. c. 2. d. 12. Schneidev. l. 3. Inst. 11. 24. Pagun- dez l. 5. c. 47. Card. Lugo Disp. 26. c. fin.

D. 6. An & quomodo licita sit emptio, & venditio cum pacto retrovendendi, aut redimendi?

Pactum hoc adiici potest 1. in favorem venditoris, & hic modus frequentior est. 2. in gratiam emptoris, ut scilicet recepto prelio teneatur rem emptam restituere

Kkk vendi-

vendori. 3. in favorem utriusque, ita ut alteruter, prius voluerit, possit recuperare id, quod dedit, restituto eo, quod accepit. 4 ex parte temporis, vel statuto certo tempore ut non possit in qualibet illius parte redimi, sed in mense determinato vel die, vel ut non possit redimi ante certum tempus elapsum, V. g. post 3. menses finitos. His positis.

R. Eiusmodi pactum de retrovendendo per se nullam iniustiam continet, modo serventur duas conditiones. 1. est, ut in cuius gratiam sit talis contractus, de consueto pretio aliquid remittat in compensationem oneris, quod altera pars habet cedendi rem comparatam. 2. ut si quid damni allatum sit, pro eo satisfiat. De quantitate, & modo viderit electus utriusque consensu arbiter. Atque in hoc sensu & moderatione intelligi debet Maxima, quam DD. hic ad probationem adhibet. Vnusquisque arbiter rei iuxta est, & impone potest modum quem vult. Ita enim suae rei quisque dominus esse censetur, ut disponat de illa pro libitu quidem, sed absque damno, & praejudicio tertii. Bonasina To. 11. p. 498. Covar. l. 3. Var. c. 9. n. 3. Medina q. ul. de Vsu Gabr. in 4. Dist. 15. q. 12. art. 5. Maior. Q. 43. Mol. D. 375 Tholos. l. 25. c. 20. Escobar Tract. 3. Exam. 6. c. 3. Less. c. 21. D. 14. Fillius. Tr. 35. c. 7. Fagund. Conr. de Contr. Q. 33. De fructibus interea perceptis difficultas est, ut si vineam emisses reddendas post biennium venditori. Distingue, si vinea redimatur eodem pretio, quo vendita est, mediis fructus omnes ad emptorem spectant, secundum valorem, quem tunc habent. At secundum valorem, quem acquisiuimus post tempus retrovenditionis, aut postquam emptor fuit in mora reddendi,

pertinent ad priorem venditorem. Si autem redimatur diverso pretio, fructus pendentes ad primum venditorem pertinēbunt: quia fit novus contractus, & re-vendenti licet augere, primum ratione fructuum pendentium. In priore casu alter fit, quia absque novo contractu si qui ante initus fuerat, dissoluitur. Mol. Disp. 377. Navar. Silv. Caiet. & Conrad. ab cocitati. Thol. lo. cit Card. Lugo Disp. 26. S. 13. §. 1. Bonac. Tom. 2. p. 498. Faschin. l. 2. c. 14. Escobar. Tract. 3. Exam. 6. c. 3. n. 34. Gomez l. 2. Var. c. 2. num. 24. Covar. l. 1. Variar. c. 15. nu. 6. & 7. Less. lo. cit. Dub. 15. n. 123. Palao Tr. 32. Disp. 5. Pan. 31. §. 9. D. 7. Quid Iuris sit in Retractu. Retractus duplex est, Legitus, seu genitilius, & Conventionalis. Hic in retrovenditione exercetur: ille propinquis conceditur, ut quod aliis venditum est, redimere, & retrahere possit eodem pretio dato. Quatenus in nostris hisce provinciis obtinet, nihil aliud est, quam ius alienius gentis, aut civitatis, statuto, vel consuetudine concessum proximo venditoris consanguineo intra certum tempus rescindendi, & ad se revocandi venditionem rei immobilis, eodem oblatu pretio, quo illa ab extraneo, vel remotiore consanguineo empta fuerat. l. Dudum C. de contr. empt. &c. Constitutus de rest. in integrum Extat quoque vestigium aliquod in c. 25. Levit. & 32. Ieremia. Utile inventum esse propter conservationem iurium in eadem gente, aut familia Gaill probat. l. 2. Obs. 19. Mys sing verò in Cen. 3. Obs. 51. afferit in multis Germaniae provinciis observari, nec coniunctus, vel vicinus alienare possit, nisi prius interpellet coniunctum, aut vicinū, quod vocant ius protomiseos, sive ius coniunctum.

congrui, de quo sequentia obseruentur.

1. Retractum in sola venditione locum habere, nec extendi ad permutationem, locationem, emphyteusin, aliumve contractum, quo utile tantum dominium transfetur, directo penes alterum permanente, quemadmodum bene advertit. Covar. l. 3. art. c. 11. n. 3. & 4. Tiraq. l. 1. de retractu § 33. Tholos. l. 26. c. 12. Laym. l. 3. Tr. 4. c. 17. § 6. Rauchbar Par. 1. Q. 43. n. 24.

2. Si post legitimam denunciationem proximi consanguinei iusto pretio emere nolint, post duorum mensium spaciū aliter vendi potest. Si autem non requisito proximo consanguineo alteri res vendita sit, ius habet proximus retrahendi intra annum, & diē communī iure, ut ex l. 2. Feud. DD. colligu. Excepit p̄dictus annus currit post venditionem perfectam etiam contra ignorantem, quamvis iusta & probabilis ignorancia iustum causam restituendū integrum p̄btere possit. Matth. de affl. in Tr. de iure protomijeos.

3. Quando proximus consanguineus ius congrui habens morte naturali vel civili defungitur, V.g. professione religiosa, ius retrahendi non transit ad eius heredē, aut monasterium, quia privilegium personale est, una peritum, ut Mol. notat Disp. 730.

4. Requiritur ut sumptus, & expensas tempore contractus factas integrè refundat. Infra utile. § fin ff. de minor. ne quidē vini ea quantitate dempta, quæ insumitur pro approbatione contractus, Vulgo Wenkantff sumptus tamen non necessarios escipio, uti fraudem quoque, qua quis simulando retractū pro se fieri in gratiam alterius faceret, qui prædiū sibi optat. Unde plerumque iutamentū à retrahentibus exigunt, quod bona fide beneficio retrah-

etus uti velint, quemadmodum fusus declaratur à Tiraqu. Glo. 1. nn. 1. retrahendo sibi tantum, quia ius retractus extraneo venditur. Ex dictis colligitur, in retractu videri actionem quasi realem contineri, potestate relicta proximo consanguineo ad se revocandi rem, apud & quemcunq; extiterit. Tholos. r. am. l. 26. c. 20. vocat personalem in rem scriptam. V. Gaill. l. 2. Obs. 16. Palao Tr. 32. D. 5. pun. 29.

D. 8. An, & quomodo Monopolia licita, & iusta sint? Monopolium dicitur, quando unus, vel plures, pauci tamē procurant, ut ipsi soli aliquod mercium genus vendat eo pretio, quod ipsi determinant. Generaliter autem sumitur pro qualibet industria mercatorū, qua prædictū finē intendunt, & consequuntur. Sunt vero 4 principales modi. 1. conveniendo inter se de pretio, ut nemo minoris vendat. 2. ut soli certum genus mercium concessionē Principis vēdant. Az. 3 l. 8. c. 28. 3. coēmendo industrie omnes merces, easque occulendo, donec pro sua expectatione precium creverit. 4. impediendo, ne aliunde per alios inventantur. Lef. o. 21. D. 21.

R. 1. Monopolia iure civili prohibita sunt. l. un. C. de monopol. & in Comitiis imperialis. Colonia an. 1512. Norimberga an. 1524. Spira an. 1529. & 26. Augusta 1530. Ratisb. 1532. Augusta an. 1548. & Francfurti 1577. addita pena publicationis bonorum, & exilii. Nec vana hæc prohibitio est. Memini enim ante annos non multos Episcopū quendā, & Imperii Principem ad causā de instituto monopolio, dicendam ab Imperatore Ratisboam citatum esse. V. Ordinat. Imperii. similiter à Franc. I. Gall. Rege prohibita esse artificum monopolia Tholosanus ductor est l. 25. c. 14.

Kkk 2

Pluti-

Plurima enim damna communitati & subditis inde creantur, subtrahendo merces, occulendo, augendo preium, avertendo alii lucra, & commoda sua. Monopolæ etim, ut *Damhond*. observat in *Praxi crimin. c. 122*. Secretam intelligentiam inter se habent, resque suas ita instaurant, ut ad singularem venditionem orationia contrahant, hoc est, triticum, carnem, pisces, butyrum, caseum, ova, saccarum, Syrupum, aromata, cuncta denique vendibilia, ab agricolis coemunt, ut postea ab ipsis cives, ac subditi emere debeant: adeoque ut annonæ flagellatores, & reip. perturbatores ac fraudatores multa gravissima, privatione bonorum, exilio, aliisque penitentiis digni sunt. *Franc. Lucanus in Tract. de casib. honor. publicandor. par. 2. n. 3 & 6 Ioa Berberius in Directo. Iuris. Rubr. de colleg. illio Thol. I cit. Laym. l. 3. Tract. 4. s. 17 §. 7. n. 41. Zerola Par. 1. V. Monopolia, in Urbe à Pio 3 prohibita esse restatur. Veniū ex hisce nondum sequitur contra iustitiam peccare Monopolas, neque modum negotiandi talem natura sua malum ac prohibitum esse: esto contra charitatem aliius à iustitia virtutes delinquant. Igitur*

*R. 2. Monopolia, in quibus non exceditur iustum pretium, & sincera merces sunt, absolvunt mala, & iniusta non sunt: adeoque à Magistratu certis ex causis permissi, aut constitui possunt. Posterioris hoc difficultate caret. Quis enim Regi aut principi, cum regno aut provincia sua talis modum negotiandi utilem viderit, prohibeat, ne admittat vel lege aliqua constituat? Silv. V. Emptio q. 18. S. A. V. Venatio n. 5. Non peccare autem contra iustitiam Monopolas, dummodo iustū pretiū*

licet sumnum exigant, patebit discurrendo per omnes modos supra positos. Nam quod primum modum attinet, quod plures inter se convenient de tacto, & non minore pretio, alias iusto, ab ementibus petendo, seposita prohibitione extrinseca nulli iustitiae præcepto opponitur. Videntur negotiantes iure poscendo maius pretium: Vtantes vicissim luo emptores, & minus offerant, vel etiam omittant emptionem. Raro enim tanta emendi necessitas est, ut carere non possis, sed ad curiosa, & superflua nostra nos cupiditas impellit. Multò minus in secundo modo iniustitia latet. Principi enim ut diximus licet tale privilegium uni, duobus, tribus, vel pluribus concedere, addito etiam certo vectigali in suum commodum: & secundum eiusmodi favorem agere Monopolis possunt alii verò abstinent teñentur. Azor. l. 8. c. 28. Silv. V. Emptio p. 18. Circa certum modum, quando induxit è vel etiam vafrè coemuntur merces, absconduntur, & reservantur in tempus opportum augendo pretio, non una omnium sententia est. Contra iustitiam peccare censent. Gabr. d. 15. q. 10 ar. 3. Iean. Medi. C. de restit. q. 36. §. pœn. Silv. V. Empio. Q. 10. Ang. V. Negotiatio. n. 3. Sotus l. 6. q. 2. ar. 2. Major in 4. d. 15. q. 4. Navar. c. 23. num. 91. & 92. Piam, & probabilem opinionem esse lubens agnosco, contrariam nihilominus tenent ex recentioribus doctrina & fama notissimi. DD. Molin. Disp. 345. L. ff. c. 21. D. 21. n. 151. Fagund. l. 5. de Contract. c. 35. Fill. Tr. 35. c. 8. & alii quidam, qui addunt, quamvis contra iustitiam particularē nō delinqūat, delinquare tamen contra charitatem proximi, & iustitiam legalē seu publicā utilitatē. Nā si modum

modum emendi illorum species, justo  
pretio licet minore emunt: si derentio-  
nem & occultationem, ad oppositum  
nulla justitiae lege tenentur: quod verò  
inde augeatur annona, communitatì &  
civibus damnosus (quod est prioris sen-  
tentia fundamentum) in ipsis ut causam  
derivari non debet: quia non teneban-  
tur citius vendere: imò poterant aliò  
transvehere, vel etiam corrumpere &  
vastare. Adde, quod emptorum copia  
precium auget, & caristiam inducit, nec  
tamen idcirco contra justitiam peccare  
censentur, at Magistratus, inquit, eos pu-  
nire potest, & mercibus privare. Sit ita,  
nondum loquitur contra justitiam, sed  
contra charitatem benevolentiam, & cō-  
passionem cōtribulibus debitā peccatum  
esse. Quartus modus distinctione indi-  
git. Si quis invectionem mercium ab  
alii instituzam, fraude, vi, & injuria im-  
pedit, contra justitiam graviter peccat, &  
communitati & mercatoribus ad resti-  
tutionem obligatus est. Communitatì,  
quia aucti præteri injustè causam dedit:  
mercatoribus verò, quia illos injustè  
probabili suo lucro privavit. *Silv. V. emp-*  
*tio q. 13.* Si verò absque vi, fraude & inju-  
ria, sed per industriam prævenit alios, ef-  
fecitque labore & studio suo, ut merces  
suas primò distraheret indequè alii dam-  
num sentiant, nullius culpæ reus est, sed  
stibimputent, qui eandem industriam &  
laborem non adhibuerunt. *Reb. Ius part.*  
*2. l. 9 q. 7. num. 5. Seco l. 6. q. 2. 8. atque per*  
*hanc Salas de Contr. D. 83. Escobar. tratt. 6.*  
*Exam. 6. c. 5. num. 76. Dian. part. 1. Rosell. 27.*  
*Card. Lugo D. 26. Sect. 12. Armilla V. Meno-*  
*polium Palao Disp. 5. pun. 24. Sfortia Palayi-*  
*simus l. 4 de just. c. 9. num. 86.*

Dub. 9. De negotiatio[n]e licita, & illi-  
cita. Duæ species difficiles, & periculosa[re]  
mihi appearerunt, ait *Sapiens Eccles. c. 26.*  
*V. 27.* Difficile exiutur negotians à negli-  
gentia sive à deceptione, & non justifica-  
bitur capo à peccatis labiorum. Prode-  
rit ergò monuisse de ruina, & iniurias  
quæ multiplex est. *Antonin. part. 2. tt. 1. c. 12.*  
Primo vitiatur à fine, malo seu inten-  
tione. Nam quæ negotiatio nihil aliud  
quam lucrum sectatur, turpis est. Lu-  
crum enim nisi in bonum finem ordine-  
tur, ex se bonum non est, teste *S. Thom.*  
*22. q. 37. art. 4.* 2. ratione persona. Nam  
prohibita est Clericis, quemadmodum  
in 1. part. *Summa Tit. 1. §. 2.* ostendimus ex  
*Disp. 88. c. fin. de vi. & bon. Cleric. &c. Secun-*  
*dum instituta Ne Cler. vel Mon. Jure Civili*  
autem (si tamen ea lex conscientiam  
ligat) nobilibus. 1. 3. nobiliores *C. de consi-*  
*mero. & mereat.* Nobiliores natalibus &  
honoribus coaspicuos, & patrimonio di-  
tiores pernitiosum urbibus mercimo-  
nium exercere prohibemus. *V. Tiraquel.*  
*de nobilitate c. 33.* 3. Non est cum quibus  
libet exercenda. Turcis & fidei Christia-  
nae hostibus vendere arma, ferrum, pul-  
verem tormenta ium, ligna, & similia sub  
potena ex o[mni]unicationis in *Bul. C. D.*  
prohibetur. *V. Navar. c. 27. num. 63.* 4. Nec  
quolibet tempore. In Dominicis, & festis  
abstinente. *c. Omnes de Feriis.* Mercatura[re]  
(in diebus Dominicis) minime fiat, ne-  
que placitum. Placiti nomine intelligitur  
quælibet lis, jurgium, & causa forensis,  
quæ in judicio agitur. *V. Barb. t. cit. Sanct.*  
*l. 5. Confil. c. 2. Dub. 25.* 5. Nec omnibus in  
locis. Ex templo vendentes, & ementes  
Christus expulit. *Matth. c. 21. c. Decet de*  
*immun. Eccles. in 6.* Cessent in Ecclesiis, &  
earum

### §. III. DE SIMONIA.

446

earum ceteris negotiationes, & præcipue nundinarum, ac fori cuiuscunquam tumultus. 6. Damnatur negotiatio quæ sit cum fraude, dolo, violentia, aut quolibet damno civium, vel Reip. secundum ea, quæ dixi Dub. præced. 7. Illicita, & injusta fieri potest ratione pretii. Quamvis mercatoribus plus licet exigere pro mercibus quam ipsi dederint, propter laborem, & expensas itinerum, non licet tamen immoderatum pretium exigere. Faciunt etiam nonnulli inutiles, & minus necessarias expensas, quarum non est habenda ratio. Hic cynosurâ Justitiae opus, ad quam nos virtutis amor, & Dei timor remittit. De negotiationis utilitate, necessitate, usu, & abusu plura eleganter tradunt. Petr. Tholof. l. 4. de Rep. c. 7. Adamsus Contzen l. Polit. c. 10. Tanuer. D. 4. q. 7. Dub. 2. De vitiis mercatorum Alv. Pelaus l. 2. art. 42. Toletus l. 8. c. 47. & seq. Antonin par. 2. tt. 1. c. 17. & 18. Silvest. V. negotium, negotiatio. Armilla eod. num. I.

#### §. III.

##### De Simonia.

**L**omen à Simone Mago est, qui Astor. cap. 8. gratiam & dona supernaturalia Dei pecunia emere nisus est. c. qui studet 1. quaest. 1. & c. Salvator. 1. q. 2. Definitionem Glossæ communiter recipiunt DD. Simonia est studiosa voluntas emendi, vel vendendi temporali pretio aliquid spirituale, aut spirituali annexum. Dicitur 1. studiosa voluntas id est, deliberata, ad excludendum motus animi indeliberatos. Per voluntatem intellige actionem, ne potentia vel habitus existimetur definita. 2. Emendi, & vendendi quibus verbis comprehenditur omnis contractus onerosus, sive sit emptio, sive permutatio, sive locatio, omnisque pactio tacita, vel

expressa. c. in ordinando de Simon. 3. pretio temporalis. In hoc enim consistit propriæ Simonia, quod res spiritualis, vel spirituali annexa pretio temporali estimetur. Nam si res spiritualis pro spirituali, aut etiam temporalis non uti pretium, sed in elemosynam detur, non erit Simonia: imo ejusmodi oblationes commendantur in c. ad Apostolicam hoc tr. V. Suarez. Tom. I. de Relig. l. 4. c. 1. Pallavicinus l. 4. de just. & 8. Porro, quid spirituale hic vocetur, non facile est definire, ut Navar. fatetur c. 23. num. 99. deinde ex Panorm. & S. Thom. in 4. D. 25. definit esse donum supernaturale à Deo datum ad animarum salutem: vel aliquid aliud institutum supernaturaliter ab eodem ad eam efficiendum: vel ab Ecclesiastica potestate supernaturali, & gratis sibi data ad conficiendum illud, & gratis dandum. Haec definitio videtur sumpta ex c. Gratia. c. qui studet c. quam pio I. q. 1. & à Navar. fusius declaratur loco cit. Unde colligitur, non unius generis res spirituales esse. Aliquæ enim secundum suam essentiam tales sunt, ut gratia gratum faciens, virtutes infusæ, dona Spiritus Sancti, gratia gratis data. 1. Cor. 12. ad Ephes. 4. Adde charakterem, potestatem ordinis, ac jurisdictionem. Aliæ sunt spirituales secundum causam, ut Sacraenta sacrificium, & Sacramentalia, oleum sacrum, christina, aqua benedicta, agni Dei, & simil. Denique aliæ secundum effectum, ut operationes, & exercitia, quæ alicui spirituali, aut supernaturali dono convenienter, ut prophetare, administrare Sacraenta, miracula patrare, dispensare, & commutare vota, & simil. Quæ annexa sunt spiritualibus, habent se ad illa, vel antecedenter, vel